



Broj: 02-04-2-1445/23
Maglaj, 07.09.2023. godine

ZAPISNIK

Sa 30. redovne sjednice Općinskog vijeća Maglaj
održane dana 07.09.2023. godine u 16:00 sati u sali Općinskog vijeća
JU Dom kulture «Edhem Mulabdić» Maglaj

Predsjedavajuća Svjetlana Zamboni: Na osnovu člana 59. Poslovnika o radu Općinskog vijeća Maglaj, zaključaka Kolegija od 31.08.2023. godine, otvaram 30. redovnu sjednicu Općinskog vijeća Maglaj

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić, Mirza Mešić i Mirza Bradarić. Ovdje će naravno u nastavku biti neka izmjena.

Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Fermić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Centralna izborna komisija Bosne i Hercegovine Općinskom vijeću Maglaj dostavila je fotokopiju i uvjerenje o dodjeli mandata vijećnika u Općinskom vijeću Maglaj. Odluku o prestanku mandata i dodjeli mandata sljedećem kvalificiranom kandidatu broj: 06-1-10749/23 od 27.07.2023. godine, te Odluku o dodjeli mandata sljedećem kvalificiranom kandidatu broj: 06-1-1071419/23 od 03.08.2023. godine, sa klauzulom pravosnažnosti za vijećnicu Anidu Šahman. Pozivam Anidu Šahman, da da svečanu izjavu te molim prisutne da ustanu. Ja, obavezujem se da ću povjerenu dužnost vijećnika obavljati savjesno i odgovorno. Da ću se pridržavati Ustava, zakon, Statuta Općine Maglaj i drugih akata ovog Općinskog vijeća. Da ću se zalagati za zaštitu i unaprijeđenje ljudskih prava i sloboda, ravnopravnost naroda i građana i razvoj demokratije u najboljem javnom interesu svih građana općine Maglaj, te da ću predano obavljati povjerene zadatke u cilju razvoja i napretka općine Maglaj, Zeničko-dobojskog kantona, Federacije Bosne i Hercegovine i države Bosne i Hercegovine. Anida, čestitam na mandatu.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 30. redovnoj sjednici Općinskog vijeća

Današnjoj sjednici Općinskog vijeća prisustvuju 25 vijećnika, konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa prethodne 29. redovne sjednice Općinskog vijeća, ima li primjedbi? Nema, ko je za verifikaciju?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smajlović, Anida Šahman, Senad Šehić, Samir Fetić, Fikret Delić (SDP), Mustafa Bešić

(samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pebrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Firuz Galijašević (SDP).

Otvaram raspravu po pitanju Dnevnog reda i vezano za sam Dnevni red, morala bih napraviti pauzu za Kolegij vrlo kratko, da vas informišem o jednom prispjeloj aktu. Dakle članovi Kolegija, kratko pauza za Kolegij. Nastavljamo s radom, Maide, predsjednik Kluba da li ima nakon pauze, ništa. Evo nakon ove kratke sjednice Kolegija i informacije koje smo dobili vezano za Komunalno javno društvo, nismo mijenjali Dnevni red, nego ostaje ovakav kakav smo i dostavili u sazivu. Otvaram diskusiju po pitanju Dnevnog reda. izvolite Begić.

Vijećnik Jasmin Begić: Evo ovako, ja vas sve selamim i pozdravljam. Želim svima brz i efikasan rad. u skladu sa Poslovníkom o radu Općinskog vijeća Maglaj član 64. iznosim prijedlog izmjene Dnevnog reda u svoje ime i u ime aktulene većine, uvažavajući naše obaveze prema zakonu i odgovornosti prema našoj loklanoj zajednici, želimo dopuniti Dnevni red važnom tačkom a to je smjena ili opoziv predsjedavajuće Općinskog vijeća, a shodno članu 152. i 153.

Predsjedavajuća Svjetlana Zamboni: Da li ima još izmjena i dopuna Dnevnog reda, obzirom da je ovo bilo očekivano. Nema ništa, pauza na zahtjev predsjednika Kluba SDP-a. Nastavljamo s radom. Da li ima još prijedloga po pitanju Dnevnog reda, ukoliko nema, ne znam da li će vijećnik Begić samo predložiti, pretpostavljam da je to prva tačka Dnevnog reda. evo izvolite.

Vijećnik Jasmin Begić: Je li mi vodimo sjednicu ili predsjedavajuća?

Predsjedavajuća Svjetlana Zamboni: Ja vodim sjednicu, još malo.

Vijećnik Jasmin Begić: Želim da ova tačka bude broj 1. Kad se otvori Dnevni red i otvori sjednica, ondu ja izaći i pod toj tački iznijeti obrazloženje.

Predsjedavajuća Svjetlana Zamboni: Hvala lijepo. Ukoliko nema još dodatnih dopuna, odnosno prijedloga za izmjenu Dnevnog reda, predlažem proširenje Dnevnog reda sa... je li smjena ili opoziv? Dakle prijedlog iz Kluba SDA, odnosno iz koalicionog bloka koliko sam razumjela je smjena ili opoziv predsjedavajuće Općinskog vijeća tačka 1. i sve ostale se dakle pomjeraju u redoslijedu za jedno mjesto. Tako da ćemo u konačnici u prijedlogu imati 17 tačaka Dnevnog reda. prvo na glasanje stavljam prijedlog koji je iznesen. Dakle proširenje Dnevnog reda, ko je za ?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pebrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH),

Uzdržanih: Nema.

Konstatujem da je sa 13 glasova za usvojen prijedlog za ovu tačku Dnevnog reda, koja dolazi na prvo mjesto a onda slijedi ostatak kako ću i pročitati.

DNEVNI RED

1. Rješenje o razrješenju predsjedavajuće Općinskog vijeća Maglaj
2. Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lezolitita na ležištu „Klanci“ KO Strupina, općina Maglaj
3. Nacrt Odluke o usvajanju djelimične izmjene Regulacionog plana „Centar Maglaj-sjeverni dio“
4. Nacrt Odluke o usvajanju djelimične izmjene Regulacionog plana „Novi Šehar“, po zahtjevu Pervan Zorana

5. Prijedlog Odluke o pristupanju djelimičnoj izmjeni Regulacionog plana „Omerdino Polje“, po zahtjevu Bećirović Sulje
6. Prijedlog Odluke o pristupanju djelimičnoj izmjeni Regulacionog plana „Novi Šeher“, po zahtjevu Budimir Marinka
7. Prijedlog Odluke o prihvatanju poklona nekretnine-zemljišta (po ponudi Omersoftić Aziza)
8. Prijedlog Odluke o prodaji nekretnine neposrednom pogodbom Šahman (Hasib) Sadiku iz Maglaja, radi oblikovanja građevinske parcele
9. Prijedlog Odluke o davanju saglasnosti JP Elektroprivreda BiH dd Sarajevo, Podružnica Elektrodistribucija Zenica za izvođenje radova na polaganju podzemnog 0,4 kV kabla preko dijela nekretnine upisane kao javno dobro
10. Prijedlog Odluke o davanju saglasnosti za konačno imenovanje direktora Komunalnog javnog društva d.o.o. Maglaj
11. Prijedlog Zaključka o davanju ovlaštenja za potpisivanje Prijave za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog suda
12. Prijedlog Odluke o dodjeli javnih priznanja općine Maglaj za 2023. godinu
13. Prijedlog Odluke o izmjenama i dopunama Odluke o organizovanju/organiziranju općinskih službi za upravu Općine Maglaj
14. Davanje saglasnosti na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj
15. Periodični finansijski izvještaj Budžeta/Proračuna Općine Maglaj za period 01.01.-30.06.2023. godine
16. Izvještaj o utrošku tekuće budžetske rezerve Budžeta/Proračuna Općine Maglaj za period 01.01.-30.06.2023. godine
17. Informacija o stanju obrta, malog i srednjeg poduzetništva na općini Maglaj
18. Informacija o stanju u oblasti poljoprivrede na području općine Maglaj
19. Informacija o toku postupka imenovanju jednog člana Općinske izborne komisije Maglaj.

Vijećnička pitanja i inicijative.

Predsjedavajuća Svjetlana Zamboni: Ko je za?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH),

Uzdržanih: Nema.

Konstatujem da je predloženi Dnevni red usvojen sa 13 glasova za. Možemo preći na prvu tačku Dnevnog reda.

AD – 1. Rješenje o razrješenju predsjedavajuće Općinskog vijeća Maglaj

Predsjedavajuća Svjetlana Zamboni: Vijećnik Begić izvolite.

Vijećnik Jasmin Begić: Ja sam imao malo duži spisak ovdje svega što sam pripremio, međutim koalicioni partneri su rekli da skratim. Tako da ću ja barem u kratkim crtama približiti stvarno

stanje kako jeste. Smjena ili opoziv predsjedavajuće Općinskog vijeća, ovaj prijedlog proizilazi iz člana 152. i 153. Poslovnika o radu Općinskog vijeća. Smatramo da predsjedavajuća ne ispunjava očekivanja i ne obavlja svoje zadatke svjesno, odgovorno i dovoljno uspješno. Postoji nekoliko ključnih razloga koji utvrđuju našu odluku o smjeni predsjedavajuće. Nestručno i manipulativno vođenje sjednica, nažalost svjedoci smo takvog ponašanja na gotovo svakoj sjednici, umjesto da osigura konstruktivnu atmosferu i poštivanje Poslovnika predsjedavajuća često pokazuje nedostatak stručnosti i provodi manipulativne taktike koje narušavaju povjerenje među vijećnicima. Samovoljno izmjenjuje zaključke o kojima se glasa. Na prošlim sjednicama predsjedavajuća donosi promjene u zaključcima iako to vijećnici nisu definirali na taj način. To je nedopustivo i šteti transparentnosti i demokratskom procesu donošenja odluka. Često prekidanje vijećnika tokom izlaganja, predsjedavajuća ima praksu čestog prekidanja vijećnika tokom njihovih izlaganja, to ograničava slobodu izražavanja, otežava vijećnicima da iznesu svoje stavove i prijedloge na odgovarajući način. Takvo ponašanje je neprihvatljivo i šteti konstruktivnoj raspravi. Onemogućavanje izlaganja vijećnika prema Dnevnom redu, napominjemo slučaj kada su vijećnici SDA napustili sjednicu, zbog nemogućnosti izlaganja prema Dnevnom redu. Ovakva praksa ograničava prava vijećnika da sudjeluju u raspravi i predstave svoje stavove koji njihovi birači od njih očekuju. Stoga s ciljem zaštite integriteta Općinskog vijeća Maglaj predlažem smjenu predsjedavajuće Općinskog vijeća Maglaj.

Predsjedavajuća Svjetlana Zamboni: Hvala vijećnik Begić, da li ima još diskutanata? Nema više prijavljenih diskutanata. Pauza na zahtjev zamjenika predsjednika Kluba SDP-a. Nastavljamo s radom, da li ima još diskutanata? Idemo sjednica Kolegija kratka. Evo vezano za ovu dilemu i nakon ove kratke sjednice Kolegija, ne znam gdje su ostali vijećnici. Doktor Vehabović.

Vijećnik Elvir Vehabović: Pošto je kolega Begić pozvao se na član 152. i 153. A dobili smo tumačenje da su to dvije različite stvari, odnosno da ima neka pravna razlika. Član 152. kaže pod tačkom 1. Funkcioneri Vijeća su predsjedavajući, zamjenik predsjedavajućeg funkcioner kojeg bira može biti smijenjen sa funkcije ako ne vrši tu funkciju u skladu sa Ustavom i zakonom i u okviru datih ovlaštenja. Član 153. opoziv, funkcioner može biti opozvan sa funkcije u skladu sa zakonom ako ne obavlja savjesno i odgovorno ili dovoljno uspješno. Nigdje se ovdje ne spominje komisija, međutim oni su aludirali na to da ako je neko predložio da on može predložiti i njegovu smjenu, odnosno Komisija za izbor i imenovanja. Ja lično smatram da oba člana i smjena i opoziv idu jer u članu 152. Se kaže da funkcioner koje bira ili imenuje Općinsko vijeće može biti smijenjen sa funkcije ako naruši tu funkciju u skladu sa Ustavom, zakonom i u skladu sa datim ovlaštenjima. Vidjeli smo iz obrazloženja gospodina Begića da se nisu poštovala dana ovlaštenja, da se nije poštovao Poslovnik u njenom radu i u skladu sa tim ja predlažem da to ide kao smjena.

Predsjedavajuća Svjetlana Zamboni: Vijećnik Galijašević, izvolite.

Vijećnik Firuz Galijašević: Pozdravljam sve prisutne, kratka replika vijećniku Vehaboviću, ja mislim da nigdje nije dokazano to što ste vi pobrojali da predsjedavajuća nije obavljala svoju dužnost u skladu sa zakonom i Statutom. Hvala.

Vijećnik Elvir Vehabović (replika): Ovdje se i ne piše da se treba negdje nešto dokazati, ne piše u Poslovniku i kaže i dana ovlaštenja. Dok gospodin Begić je naveo koja su to ovlaštenja prekoračena ako niste slušali stvarno ne mogu sad tražiti od čovjeka da ponovo. Ko će to dokazivati, koji sudovi, Vrhovni, Ustavni, Strazbur, to je već druga priča.

Predsjedavajuća Svjetlana Zamboni: Izvolite Galijašević, replika.

Vijećnik Firuz Galijašević (replika): Član koji ste pročitali kaže da nije radila u skladu sa zakonom. Ko kaže da ona nije radila u skladu sa zakonom. Ne, kaže jedan vijećnik, evo drugi vijećnik kaže da je radila u skladu sa Ustavom.

Predsjedavajuća Svjetlana Zamboni: Replika vijećnik Begić.

Vijećnik Jasmin Begić (replika): Mislim da spustimo tenzije, apsolutno se slažem sa gospodinom Firuzom, on misle da su radili isto tako mi kažemo da nisu radili. Pristupimo glasanju i jasno će biti da li je radila.

Predsjedavajuća Svjetlana Zamboni: Javljam se za riječ.

Vijećnica Svjetlana Zamboni: Evo ja ću odgovorno ovdje i pred svima reći da sam radila u skladu sa zakonom i Ustavom i da nisam prekršila svoja ovlaštenja.

Predsjedavajuća Svjetlana Zamboni: Ukoliko nema više diskutana, predlažem da se ovo da na glasanje. Pauza prije glasanja na zahtjev Kluba SDP-a. Nastavljamo s radom, prije nego pređemo na glasanje evo konsultujući malo i Poslovnik mi iz rukovodstva, zamolili smo da služba nam da pojašnjenje sa govornice o onome što bi trebalo da slijedi a na naš prijedlog da to služba učini, služba je tražila pauzu da poslože sve pa da mogu nam dati pojašnjenje kako i šta u ovom slučaju. Izvolite služba pauza. Nastavljamo s radom.

Emina Hasanić: Sve vas srdačno selamim i pozdravljam obzirom da izlazim prvi put. Oko ove nedoumice vezano za smjenu odnosno predsjedavajuću Općinskog vijeća, pozivam se na član 144. Poslovnika o radu Općinskog vijeća, gdje se odnosi na postupak razrješenja, odnosno odredbe ovog Poslovnika koje se odnose na izbor, odnosno imenovanje, one se primjenjuju i na postupak razrješenja. Obzirom da je predsjedavajuća Općinskog vijeća imenovana na prijedlog Komisije za izbor i imenovanje, Komisija za izbor i imenovanje uz prethodne konsultacije sa predstavnicima političkim stranaka i koalicija zastupljenih u Općinskom vijeću predlaže kandidate za predsjedavajućeg i zamjenika predsjedavajućeg Općinskog vijeća, to je član 17. Poslovnika o radu Općinskog vijeća, član 18. Kaže izbor predsjedavajućeg i zamjenika predsjedavajućeg Općinskog vijeća vrši se u pravilu tajnim glasanjem u skladu sa Statutom i ovim Poslovníkom. Općinsko vijeće može odlučiti da se izbor predsjedavajućeg i zamjenika predsjedavajućeg vrši javnim glasanjem. Rezultate glasanja utvrdit će Komisija za izbor i imenovanja, predsjedavajući i zamjenik predsjedavajućeg izabrani su ukoliko dobiju većinu glasova ukupno izabranih općinskih vijećnika. Ako je predloženo više kandidata, ni jedan ne dobije potreban broj glasova, glasanje se ponavlja za dva kandidata koji su dobili najveći broj glasova. Ukoliko i u ponovljenom glasanju ni jedan od kandidata ne dobije potrebnu većinu, ponavlja se cijeli izborni postupak. Znači, prvo ide Komisija za izbor i imenovanja a onda ide na glasanje Općinskom vijeću.

Predsjedavajuća Svjetlana Zamboni: U skladu sa svim rečenim ovdje, pozivam članove Komisije za izbor i imenovanja da se povuku. Ne znam da li ima prijedlog iz ove aktulene većine za poziciju predsjedavajućeg, da li ćete iznijeti prijedlog tako da komisija to može uzeti u obzir ili... Hajte molim vas Komisija za izbor i imenovanja. Komisija je završila sa radom pa vas molim ako ste zauzeli stavove da ih i pročitate. Predsjednik Komisije.

Vijećnik Senad Šehić: Sve vas pozdravljam, Komisija za izbor i imenovanja očitovala se o prijedlogu vijećnika SDA Jasmina Begića, o razrješenju predsjedavajuće Općinskog vijeća Svjetlane Zamboni. Komisija je zasjedala u punom sastavu, tri člana su glasala za, dva protiv. Tako da ovaj prijedlog je prihvaćen a do imenovanja nove predsjedavajuće funkciju će obavljati dopredsjedavajuća Aida Bašić u skladu sa članom 26. Poslovnika o radu Općinskog vijeća Maglaj.

Predsjedavajuća Svjetlana Zamboni: Što znači da se ne ide u izbor novog rukovodstva nego samo. Ok jasno. ukoliko je to to, možemo samo preći i na glasanje. Dakle nema izbora novog, da ne kažem rukovodstva, odnosno predsjedavajućeg nego samo ide se sa opozivom. Jel vi imate potrebu da još malo pričate ili, dozvolite molim vas da zaključimo raspravu i da stavimo ovaj vaš prijedlog na glasanje. Dakle ko je za smjenu predsjedavajuće Općinskog vijeća?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH),

Uzdržanih: Nema.

Konstatujem da je sa 13 glasova za izglasana smjena predsjedavajuće Općinskog vijeća. Sjednicu u nastavku će voditi dopredsjedavajuća Općinskog vijeća, Aida Bašić.

ZAKLJUČAK

1.1. Donosi se Rješenje o razrješenju Svjetlane Zamboni dužnostipredsjedavajuće Općinskog vijeća Maglaj;

1.2. Do imenovanja nove predsjedavajuće Općinskog vijeća Maglaj, funkciju će obavljati Aida Bašić dopredsjedavajuća Općinskog vijeća Maglaj, u skladu sa članom 26. Poslovnika o radu Općinskog vijeća Maglaj.

AD 2. Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu „Klanci“ KO Strupina, općina Maglaj

Dopredsjedavajuća Aida Bašić: Na zahtjev Kluba SDA pauza. Evo ovako sve vas selamim i pozdravljam i nastavljamo s radom. Prva tačka je završena, prelazimo na drugu tačku. Otvaram raspravu i pozivam uvodničara.

Nedžad Ćatić: Pozdravljam sve prisutne, ova tačka Dnevnog reda je već bila na Općinskom vijeću. ministarstvo za privredu Zeničko-dobojskog kantona se obratilo Općinskom vijeću za saglasnost za dodjelu koncesije na ležištu „Klanci“ po samoinicijativnom zahtjevu Team group d.o.o. Žepče. Mi smo o ovome raspravljali 08.06. gdje smo donijeli zaključak da to bude kao Načrt Odluke i da se u javnu raspravu. Nakon toga održane su javne rasprave u MZ Novi Šeher, Radojčići i Liješnica za naselje Tujnica. Za sve te javne rasprave smo uradili i zapisnike koje smo također dostavili. Na prošloj sjednici 11.07. je ta tačka Dnevnog reda skinuta jer su bile određene nejasnoće i tada je donesen zaključak da se na današnju sjednicu pozove predstavnik investitora kao eventualnog budućeg koncesionara koji bi dao određene pojasnoće u vezi nekih stvari. Zakonom o koncesijama je propisano da se prilikom dodjele koncesije, ustavri pokretanja postupka za dodjelu koncesije, za koncesiono područje koje se nalazi na području jedne općine, Općinsko vijeće daje suglasnost i da je to jedan od uslova da bi uopšte mogli nastaviti dalji postupak dodjele koncesije koje donosi Federalna Vlada, u ovom slučaju Vlada kantona pošto je u njihovoj nadležnosti za pokretanje koncesije. Mi smo danas pozvali predstavnika investitora kako je i bilo po zaključku Vijeća tako da ja toliko za početak.

Dopredsjedavajuća Aida Bašić: Hvala Nedžade. Otvaram raspravu. Abdurahmanović izvolite.

Vijećnik Adis Abdurahmanović: Selamim i pozdravljam sve prisutne. Na prethodnoj sjednici Klub SDA je tražio upravo ovo što je šef službe napomenuo da se uputi poziv koncesionaru da bi nam odgovorio na neka pitanja. S obzirom, da sam ja kao vijećnik bio prisutan na javnoj raspravi u Novom Šeheru i Strupinoj. Čitajući detaljno sav materijal i elaborate i sve decidno zaključio sam i uvidio sam što bih postavio i pitanje službi pošto je ona ta koja nam je dostavila zapisnike. Na obadvije javne rasprave na kojima sam ja prisustvovao gospodin je par puta napomenuo, građani su pitali o količini, gospodin je par puta napomenuo da se radi o 4 miliona tona kamena, pretvarajući u neke cifre. U biti cifra od 3 miliona koja bi trebala da dođe na općinu maglaja. Na osnovu toga su građani na javnoj raspravi ustvari i dali dozvolu. Ja se pitam zašto se taj detalj nije našao u zapisnicima i evo prilike javno da nam se odgovori. Smatram ako je to namjerno izostavljeno da su ljudi na javnim raspravama obmanjeni. Na osnovu toga, isti ti građani koji su bili na javnoj raspravi su također iščitali materijal i isto to uvidjeli i na osnovu toga iz čini mi se naseljenog mjesta Strupina je potpisana jedna peticija koja je mislim prošli puta ovdje podjeljena. Razna pisma su slali nama vijećnicima a sve se svodi na cifru koja je pominjana u količini materijala i cifri novca koja bi trebala da dođe na općinu Maglaj. Znači, za početak bi tražili odgovor na ova pitanja i odgovorni koji su nam dostavili zapisnik a tako i od gospodina koji je tu prisutan. Za sada toliko, uključit ću se još ako bude potrebe.

Dopredsjedavajuća Aida Bašić: Hvala Adise, da li se još neko javlja za riječ? Prije gospodina Ive, prvo vijećnici ako nema više niko, pozvala bih gospodina Ivu da nam odgovori.

Ivo Mrkonjić: Hvala lijepo na pozivu. Ja se zahvaljujem u svoje ime i u ime poduzeća Team group sa mogućnosti da vam se obratim i da napomenem da studija je inicijalni dokument znači prilikom pokretanja samostalne inicijative za dodjelu koncesije za istraživanje i eventualnu

eksploataciju. Zato što će detaljna istraživanja tek uslijediti, tako pretpostavljamo i ona služi samo da bi se odredio minimum. Ovdje vjerovano vas i ostale buni što je tu navedeno da je to godišnje 40.000 kubika. To je minimum stijenske mase koji ima ekonomsku opravdanost da se uopće uđe u projekat. Taj podatak služi samo kad se pravi ugovor o koncesiji gdje stoji tamo u jednom članku, uzima se taj podatak i određuje se taj minimum koji budući koncesionar obavezan plaćati da li uopće i vršio eksploataciju ili ne vršio. Kad se potpiše ugovor od tog dana teče taj rok a idu istražni radovi, projekti itd ali je koncesionar obavezan da plaća taj minimum. Da li će on iskopati 500, milion, 100 miliona kubika to uopće nije bitno. To u ovom trenutku ne zna niko. Ja opet ponavljam isto što sam govorio na javnoj raspravi. Tu se radi o površini 11 hektar, vizualno po konfiguraciji i geodetskoj snimci mi pretpostavljamo sa nekih 80 %% sigurnošću na nekoj dubini da se ta stijena obzirom na karakter i prirode te stijene, da se radi o eruptivnoj stijeni. Da ide negdje 20-25 metara dubine i kad se to pomnoži sa površinom to izlazi ta količina. Cilj je da se ne preraduje kamen, da se samo vrši eksploatacija koja bi bila kasnije riješena projektnom dokumentacijom sa 5-10 utovarnih mjesta, radom u tri smjene, obzirom da smo već izgubili nekih 5-6 mjeseci. Moglo bi se izvršiti eksploatacija po procjeni negdje oko 2.5-3 miliona ako se ne bi produžio rok. Ja opet napominjem da budući partner, odnosno sadašnji izvođač je i poprilično nervozan i ne znam kako će danas proći ovdje ova vaša Odluka. Oni će morati naći načina da osiguraju sebi materijal da bi mogli raditi. Još jednom ponavljam, mislim da nisam dosadan. Nemojte da vas buni puno ove količine mislim da je to naše zvono u ovoj studiji. Znači studija je samoinicijativni dokument da se krene u proceduru. Nakon detaljnih istraživanja sa rasjedima koje su navedene, predviđa se tri faze istraživanja. U prvoj fazi je da se obilazi ponovo snimak, druga faza se prave određeni raskopi, treća faza su bušotine, zavisno od konfiguracije mora se raditi bušotine 20-30 zavisi od područja. Bušotina sa jezgrovanjem gdje se vadi jezgra kamena, odlaže se i onda se vrši analiza da se utvrdi fizičko mehanička svojstva, odnosno petromineralna struktura te mase. Onda se detaljno napravi elaborat koji se predaje ministarstvu i onda se taj elaborat usvaja ili ne usvaja i utvrde se detaljne količine a rudarskim projektom poslije se rješavaju tehnika eksploatacije. Kad se to završi onda obavezan je budući investitor da pribavi urbanističku suglasnost, vodnu suglasnost, studiju da uradi, odnosno zaštitu okoliša, da pribavi i tu suglasnost. Sve ono što koliko sam ja mogao vidjeti iz ovih svih pisama ovako anonimnih i ostalih što brine mještane a i vas nadam se. To se sve kasnije rješava i sve ćete imati prilike da imate na uvid. Ja ne znam, ako možda još neko ima pitanje ja sam ovdje. Ja bih vas evo pozvao da krenemo sa tim, mislim da je to svima nama u interesu. Ja opet ne znam da li će ja biti investitor, poslije ovoga sve vlada ponovo odlučuje da li ima javnog interesa ili nema i raspisuje natječaj ko će biti budući koncesionar. Hvala lijepa, ja vas zamoljavam još jednom da date suglasnost i da krenemo u proceduru i ako bude opet nekih nedoumica. Imate uvijek pravo sve pregledati, svu dokumentaciju i sve. Samo da napomenem ovdje vi ste vjerovatno upoznati, koncesija ne može biti manja ispod marke, to je propisano za ovu vrstu stijene, kako će biti ja pretpostavljam da će biti možda do 1,20-1,50 KM a po Pravilniku o raspodjeli sredstava 70 % koncesione naknade odlazi na ovdje općinu koja opet po Pravilniku mora ta sredstva trošiti za infrastrukturu na mjestima koja vrše eksploataciju.

Dopredsjedavajuća Aida Bašić: Hvala Vam na pojašnjenju. Nadam se da je vijećnik zadovoljan sa odgovorom. Da li se još neko javlja za diskusiju. Maide, izvolite.

Vijećnik Maid Suljaković: Selamim i pozdravljam sve prisutne. Uvažavajući izlaganje potencijalnog investitora, zanimaju me određene stvari, obzirom da smo mi kao izabrani vijećnici zastupamo direktno interes građana općine Maglaj i na jednu stranu koristeći, odnosno eksploatacija ovog kamena će zasigurno izazvati određene štete. Dali ćemo mi za te štete saznati dvije godine nakon što se krene s eksploatacijom to je već kasno. Mi danas odlučujemo i na osnovu naših današnjih procjena da li će ta šteta biti veća nego što je korist, dajemo suglasnost. Ukoliko danas dajemo saglasnost poslije šta god da se dogodi Općinsko vijeće o tome ne može razmatrati i zbog toga smatram da je važno da mi danas konkretnije razgovaramo na ovu temu pa me zanima po pitanju studije koju je spominjao gospodin Ivo. Smatram da minimalne količine se ne navode u takvim dokumentima, navode samo možda iz razloga da bi se potencijalni bilo koji

investitor zaštitio a mi ovdje treba da štitimo interese naših građana i zbog toga je jako važno da se jasno navedu koje su to količine i da na osnovu količine mi procijenimo da li je isplativo našim građanima da trpe tu štetu koja će nastati. Gospodin Ivo je rekao 2,5 do 3 miliona za koji rok se to planira? Je li to u roku od dvije godine ili je to u roku onako kako to zakon nalaže obzirom da naše Odluke su manje pravne važnosti nego što je to zakon a zakon to čini mi se na 5 ili 10 godina proejenjuje a mi ovdje konkretno govorimo o kamenu koji bi se koristio u toku radova i izgradnje autoputa, zato me zanima konkretno da li investitor da 2,5 do 3 miliona može izvući za te dvije godine koliko je preostalo za izgradnju autoputa, odnosno predviđeni rok je 3 godine ali već su uveliko radovi. Posebno uzimajući u obzir stvari koje se prije nego se uđe na teren krene raditi trebaju izvršiti a to je recimo faza istraživanja, koliko će vremenski ta faza istraživanja trajati, koliko u praksi traje. Druga stvar izdavanje urbanističke, studije okoliša itd. drugi dokumenata i to će potrajati, kolika je procjena da će svi ovi procesi trajati i da bi na osnovu toga znali hoće li nama ostati možda godina dana do završetka i da li mi možemo uopće i blizu ove količine da obuhvatimo. Spominjali ste također da ćemo mi kasnije znati šta će se nešto dešavati, kasno će biti kasnije se kajati. Mi kao vijećnici ćemo sigurno trpiti štetu ukoliko budu neke negativne posljedice i zbog toga smatram da je jako važno da danas donesemo pravu odluku. Ukoliko je to za dobrobit naših građana, ukoliko će oni ostvariti ono što su i na javnim raspravama tražili ja nemam ništa protiv da podržim ali ukoliko ćemo mi trpiti štetu a neko ostvarivati korist i mi ispasti naivni nisam za tu opeiju. Također zamolio bih i službu obzirom da je kolega Abdurahmanović tražio konkretno i od njih zbog čega ove količine koje je spominjao gospodin Ivo na javnim raspravama, zbog čega nisu unesene u zapisnik. Toliko hvala.

Dopredsjedavajuća Aida Bašić: Hvala Maide, da li se još neko javlja za riječ. Ukoliko se više niko ne javlja zamolit ću Nedžada da prvo ponudi odgovor.

Nedžad Čatić: Tačno je to da su te količine koje su spominjane na javnim raspravama gdje su bili pregovori između budućeg koncesionara i ljudi koji su bili na javnim raspravama spominjani u količini tako do 2,5 miliona i sad što nisu unesene vjerujte nikakve nije bilo namjere. Nije se smatralo da treba se unositi ili onaj što je radio zapisnik nije to jednostavno unio ali nikakve namjere nije bilo da se ne unese.

Dopredsjedavajuća Aida Bašić: Hvala Nedžade. Zamolit ću investitora ako nije teško ponovo da dođete da odgovorite na pitanja.

Ivo Mrkonjić: Hvala lijepo. U ovom trenutku na ove upite oko uticaja na okoliš i ostalo niti ja niti bilo ko drugi ne može vam odgovoriti, zato se i radi studija uticaja i ne može se dobiti dozvola za eksploataciju dok ta studija, odnosno dok se ne dobije okolišna dozvola na temelju te studije. O količinama i svim ovim radnjama naše je mišljenje da ćemo uspjeti to završiti do kraja godine i to da budem iskren dobro optimistično. Bojim se kako će opet to proći sve ne znam ni ja sad na drugim organima i ostalo ali evo mi se pokušavamo nadati da će uspjeti bar što se tiče sa naše strane a ako mi budemo ti koncesionari da ćemo pripremiti ja vam govorim malo iz svog iskustva jer sam i do sada otvarao kamenolome i radio, te sam struke. Imamo dobar tim koji možemo brzo i efikasno to završiti, međutim ja se više bojim da budem iskren administracije, jer evo sad možda ste i čuli malo smjena vlasti u kantonu. Nadam se najbolje, tamo negdje do kraja godine bi trebalo završiti i od nove godine početi, da li ćemo mi uspjeti ovo što se pitate što se tiče tehnike i ostalo to vam ja mogu garantirati da ćemo uspjeti. U naredne dvije godine je li izvođaču smo nedavno imali jedan sastanak tek sad treba krajem mjeseca da počne ova zvanična. Nije bio završen neki dio eksproprijacije itd, što je na neki način pogodovalo i vama i nama. Da ćemo moći za ove 2-2,5 godine eksplloatirati. Ja se nadam po svim procjenama trebalo bi to biti negdje 2,5 kubika miliona. Ne znam jesam li možda šta preskočio.

Dopredsjedavajuća Aida Bašić: Mislim da ste odgovorili na sva postavljena pitanja, hvala lijepo. Da li se još neko javlja za diskusiju ukoliko nema više niko. Pauza na zahtjev Kluba SDA. Nakon kratke pauze nastavljamo sa diskusijom vezano za tačku dva, da li se neko javlja za diskusiju, gospodo Hadžić izvolite.

Vijećnica Aida Hadžić: Dobar dan svima, ja sam ovdje pripremila malo duže obrazloženje našeg stava kada je ova tačka u pitanju mi smo u načelu saglasni da se da dozvola ali imamo prijedlog

par tačkaka da se izmijeni Odluka. Ne bih da ponavljam ovu proceduru zašto se ovo sve odužilo zašto mi od aprila nismo ovo završili smao bih da ponovim da smo na naše insistiranje zaista doveli do toga da se uradi javna rasprava u više mjesnih zajednica i da je naše opredjeljenje da podržimo privredni razvoj ali uvijek na dobrobit građana uz naravno želju da čujemo mišljenje građana, da čuvamo zdravlje i objekte od značaj za život naših građana i okoliša. Obzirom da su pripremljene izmjene ja ću ovakvu Odluku kakvu smo mi pripremili dati dopredsjedavajućoj. Ja bih pričitala da i vama bude jasno. znači članovi 1. i 2. ove Odluke u materijalu koji imamo ostaju isti. Član 3. postaje član 4. Uz dopunu u posljednoj rečenici gdje se nalaze Službene novine Zeničko-dobojskog kantona riječima 11/22. Član 4. Odluke iz materijala postaje član 10. Odluke a član 5. iz materijala postaje član 12. Malo ovako teško za pratiti ali evo nadam se da će vam biti jasno. Dodaju se novi članovi 3. saglasnost na pokretanje postupka za dodjelu koncesionog prostora za istraživanje i eksploataciju mineralnog resursa lersolita na ležištu „Klanci“ daje se na period od 3 godine, odnosno dok traju radovi na izgradnji koridora Vc na dionici Medakovo-Ozimice. Član 5. koncesionar je dužan da kao izvođač istražno-eksploatacionih radova spriječi nastanak štetnih posljedica po druge subjekte i okoliš te da izvršava obaveze, naknade svih torškova za otklanjanje svih šteta nastalih kao posljedica istražno-eksploatacionih radova. Član 6. Koncesionar ima obavez da poduzme mjere i aktivnosti na sanaciji klizišta u naseljeni mjestima Radojčići, Galovac i Strupina ukoliko se utvrdi da su ista izazvana promjenama u prostoru uslijed aktivnosti izvođenja ovih radova. Član 7. Vršenje koncesione djelatnosti, koncesionar ne smije ugroziti postojeća izvorišta vode za piće, vodoprivredne objekte za snabdjevanje naselja vodom, vodotoke kao i putne komunikacije koje koristi u toku istražnih radova i isti je dužan sanirati odnosno nadoknaditi bilo kakvu štetu koja se pričinii. Član 8. Koncesionar se obavezuje da preuzme posebne mjere dobijanja saglasnosti i potpisivanja ugovora sa ovlaštenim operaterom u vezi sa odlaganjem otpada i sekundarnih sirovina nastalih kao produkt aktivnosti. Član 9. Sredstva jednokratno utvrđene i kontinuirane koncesione naknade pribavljena nakon potpisivanja ugovora o koncesiji bit će korištena za realizaciju infrastrukturnih i okolišnih projekata u skladu sa godišnjim Programom utroška sredstava od koncesionih naknada na kriterijima i prioritetima koje utvrdi Općinsko vijeće Maglaj a koja se prvenstveno odnose na naseljena mjesta Radojčići, Tujnicu i Novi Šeher. Izvještaj o utrošku ovih sredstava Općinsko vijećeće razmatrati najmanje jednom godišnje i član 11. Ukoliko nadležni organi u upravi utvrde da se koncesionar ne pridržava odredbi ove Odluke Općinsko vijeće će u saradnji sa Općinskim pravobraniocem pokrenuti postupak stavljanja van snage ove Odluke. Nadam se da sam bila jasna, zahvaljujem.

Dopredsjedavajuća Aida Bašić: Hvala gospodo Hadžić. Da li se još neko javlja za diskusiju. pauza na zahtjev Kluba SDP-a. Nakon pauze nastavljamo sa radom gospodin Šehić izvolite.

Vijećnik Senad Šehić: Stav Kluba SDP-a je kad su u pitanju ovi prijedlozi koje je iznijela kolegica Hadžić da se predsjednik koncesionara prije svega očituje o ovim prijedlozima, da li su prihvatljivi i u kojoj su mjeri pa ćemo se mi na osnovu toga odrediti kada je u pitanje glasanje. Ono što želim istaći od samog početka, ono što je stav Kluba SDP-a od samog početka da smo i mi naravno za najbolja rješenja koja su u interesu građana i same lokalne zajednice i trebamo da dođemo do najboljih rješenja jer je u svakom slučaju bolje da nađemo najkvalitetnija rješenja kad je u pitanju ovo gore nalazište nego da nam se kamen dovozi sa nekih drugih lokacija pa da onda napravimo još veću štetu. Ako može predstavnika da odgovori.

Dopredsjedavajuća Aida Bašić: Hvala Senade, pozivam investitora. Možete li to samo za govornicom.

Ivo Mrkonjić: Nemamo nikakvih primjedbi na Prijedlog Odluke ove samo bih napomenuo ne znam da se ne daje suglasnost na studiju. Jer će oni gore vratiti. Hvala vam lijepo još jednom.

Dopredsjedavajuća Aida Bašić: Hvala Vam, ukoliko više nema diskutantata ja bih zaključila raspravu i stavila na glasanje. Prvo bih da se očitujemo o prijedlogu koji je iznijela gospoda Hadžić, odnosno izmjenjenu Odluku. Ko je za?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad

Bejzić, Eldis Kusur, Edin Osmić (SDA), Mirza Mešić (samostalni vijećnik), Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Nema.

Uzdržanih: Nema.

Vijećnik Jasmin Đuhara nije prisutan u Sali za vrijeme glasanja.

Konstatujem da smo sa 24 glasa za usvojili ovu Odluku. Samim time mislim da nema smisla da glasamo za Odluku koja je dostavljena u samom materijalu. Ukoliko mislite da treba, možemo staviti i ovu Odluku iz materijala. Hvala lijepo.

ZAKLJUČAK

2.1. Donosi se Odluka o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lezolitita na ležištu „Klanci“ KO Strupina, općina Maglaj, sa izmjenama i dopunama koje je predložila vijećnica Aida Hadžić.

AD 3. Nacrt Odluke o usvajanju djelimične izmjene Regulacionog plana „Centar Maglaj-sjeverni dio“

Dopredsjedavajuća Aida Bašić: Prelazimo na narednu tačku a to Nacrt Odluke o usvajanju djelimične izmjene Regulacionog plana „Centar Maglaj- sjeverni dio“. Pozivam vodničara da nas izvijesti o tome.

Nedžad Čatić: Ovdje se radi o Nacrtu Odluke o djelimičnoj izmjeni Regulacionog plana Centra-sjeverni dio. Odluka o pristupanju i izmjeni je bila na Općinskom vijeću u aprilu ove godine. Nakon toga je proveden postupak javne nabavke gdje je određen izvođač radova, odnosno firma koja je zadužena da uradi ovu izmjenju. Službi je dostavljen prednacrt, mi smo dali saglasnost na prednacrt i sad je urađen Nacrt. Sama izmjena se odnosi na zemljište koje je u kompletu vlasništvo Općine Maglaj, gdje se mijenja namjena razmještaj objekata, gdje se umjesto tri dosadašnje predviđena objekta lamela predviđa jedan objekat i gdje se rješava parking, odnosno povećava se broj parking mjesta na toj lokaciji. Kroz ovu Odluku predviđena je nakon eventualno donošenja ove Odluke predviđen je javni uvid u roku od 15 dana a nakon toga javna rasprava u roku od 15 dana, nakon čega bi bio urađen Prijedlog Odluke koji bi ponovo došao na Vijeće.

Dopredsjedavajuća Aida Bašić: Hvala Nedžade, otvaram diskusiju. gospođo Hadžić izvolite.

Vijećnica Aida Hadžić: Evo ovako ja ću prvi iznijeti stav DF-a, pa ako mi ne zamjerite iznijela bih i svoje lično mišljenje po ovom pitanju. Mi kao DF smatrali smo da u ovom slučaju trebalo bi da bude više alternativa, da se možda planira i situacija koje bi na ovom prostoru mogle se napraviti i 2-3 manje zgrade i radi se koliko smo mi izračunali o većoj površini od 2 dunuma građevinskog zemljišta u samom centru grada. Nismo za to da se izgradi jedna velika zgrada koja će biti okružena manjim zgradama, smatramo da je trebalo prostora bolje planirati, da napravimo veći interes za našu općinu i ako je to moguće da to ljepše izgleda sa zelenim površinama, sa dječijim igralištima i slično. Izgradnja parkinga je u ovom slučaju posebno upitna gdje bi Općina trebala da izgradi parking a da gospodin investitor ko god to bude da napravi samo zgradu. Tako da mi nismo za ovaj Prijedlog Nacrta ako mogu da kažem i svoje lično mišljenje, ja sam odrasla u M-ovima u sjevernom dijelu grada, gdje su zgrade imale podrum, garaže, parking prostore. dječija igrališta. U tim zgradama u to vrijeme nije se smjela promijeniti ni roletna. Ja nisam zadovoljna ovim načinom gradnje zgrada koje nemaju ni trotoara da ne kažem, većina njih ni parking prostore riješene. Smatram da nije uredu da narušavamo ovakav izgled grada a mi se hvalimo da živimo u gradu koji je park. Sve je manje zelenih površina. Ja prije kad dođu gosti u Maglaj, ja njih izvedem pa im još pokažem kako smo mi sretno što imamo razdvojen Stari grad kao niko u Bosni Hercegovini i Novi grad koji je raden planski. Imali smo ulice, trotoare, o

platanima da i ne govorim. Ovakav način meni lično se ne sviđa a zaista bih molila sve vijećnike da dobro razmisle šta mi radimo i na što će ličiti ovaj naš grad za jedno 10 godina. Ako nastavimo ovako na svakoj zelenoj površini praviti zgradu koja nas guši. Zahvaljujem.

Dopredsjedavajuća Aida Bašić: Hvala gospođo Hadžić. Gospodin Mešić, izvolite.

Vijećnik Mirza Mešić: Pozdravljam sve prisutne, vijećnike i ostale goste u Sali. Ja ću kratko samo, većinom se slažem sa kolegicom Aidom, mislim da smo trebali imati možda više nekih idejnih rješenja. Smatram da treba da se uradi pristup kao pristup, svi znamo da pristup zaista loše prema postojećim objektima a kada su u pitanju parking prostori već sam ranije napominjao da ne neophodno da se uradi Odluka na području općine koja će to riješiti i na osnovu toga možemo da rješavamo. Mišljenja sam, navest ću kineski zid da tamo postoji problem da bi bilo potrebno tamo da se rješava ali ako se uradi ta Odluka to će biti sve tim riješeno. Toliko.

Dopredsjedavajuća Aida Bašić: Hvala gospodine Mešić. Da li se još neko javlja za riječ? Ukoliko nema više diskutana. Načelnice izvolite.

Općinski načelnik Mirsad Mahmutagić: Nisam dugo bio za govornicom pa da vas ovako lijepo i srdačno pozdravim i da ne prođu baš ove diskusije, ne mogu neke stvari prećutati, sad ispade da smo zatvorili trotoare, da se posjekli platane, da nema zelenila i ne treba graditi objekte. Mislim da je to totalno pogrešna konstatacija, imamo više saobraćajnica nego što smo imali, imamo više trotoara nego što smo imali, imamo više zelenila nego što smo imali i u ovoj situaciji smanjuje se površina objekta koji je već po Regulacionom planu. Smanjuje se objekat da se uradi pristupna saobraćajnica, da se urade parking prostori u centru i da ostane dovoljno za zelenilo. Dakle, neću vas ubijediti. Hoćete li prihvatiti ili nećete prihvatiti to je vaša odgovornost, vi ste vijećnici ali nemojte da iznosimo nakaradne konstatacije kad je u pitanju ovaj konkretan slučaj. Hvala.

Dopredsjedavajuća Aida Bašić: Hvala načelnice, gospodine Mešić, izvolite.

Vijećnik Mirza Mešić: Ja koliko se sjećam niko nije rekao da je protiv gradnje, ja sam rekao a čini mi se i kolegica Aida da je moglo biti možda više idejnih rješenja kako i šta da se napravi na ovom dijelu grada, ništa više.

Dopredsjedavajuća Aida Bašić: Hvala Mešiću, Nedžade, izvolite.

Nedžad Čatić: Što se tiče prijedloga da bude više idejnih rješenja, nikad nije ni bilo, niti može, mislim to je Nacrt zato postoji javna rasprava i javni uvid u okviru kojeg se može predložiti. Što se tiče onog dijela koji je gospodin Mešić rekao Odluke o parkinzima, ta Odluka se odnosi na korištenje parkinga a ne izgradnju parkinga. Izgradnju parkinga reguliše jedino Regulacioni planovi. Oni su ti koji odrede gdje se gradi a korištenje tih parkinga je ta Odluka o parkinzima. Hvala.

Dopredsjedavajuća Aida Bašić: Hvala Nedžade, da li se još neko javlja za diskusiju, ukoliko nema, zatvaram raspravu i stavljam tačku na glasanje. Ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Uzdržanih: Nema.

Konstatujem da Odluka nije usvojena.

ZAKLJUČAK

3.1. Ne donosi se Nacrt Odluke o usvajanju djelimične izmjene Regulacionog plana „Centar Maglaj-sjeverni dio“.

AD 4. Nacrt Odluke o usvajanju djelimične izmjene Regulacionog plana „Novi Šcher“, po zahtjevu Pervan Zorana

Dopredsjedavajuća Aida Bašić: Prelazimo na narednu tačku, a to Nacrt Odluke o usvajanju djelimične izmjene Regulacionog plana „Novi Šeher“, po zahtjevu Pervan Zorana. Molim uvodničara Nedžada da nam obrazloži.

Nedžad Čatić: Ovdje se isto tako radi o Nacrtu izmjene, prethodno je na sjednici donesena Odluka o pristupanju izmjene Regulacionog plana. Djelimična izmjena se odnosi na promjenu u dijelu namjene Regulacionog plana, što se tiče saobraćaja i dijelom razmještaja objekata. Radi se o tome da se faktički izmješta samo jedna saobraćajnica i prijelaz preko rijeke, preko opštinskog zemljišta. Do sada je išlo preko privatnog zemljišta u vlasništvu Pervan Zorana. Isto tako je predviđena javna rasprava i javni uvid u roku od 15 dana.

Dopredsjedavajuća Aida Bašić: To sam htjela da pitam, hvala Vam. Otvaram raspravu, da li se neko javlja za riječ. Zatvaram raspravu i stavljam tačku na glasanje. Ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema

Konstatujem da smo jednoglasno usvojili, tako da nema smisla da pitam ko je protiv i uzdržan.

ZAKLJUČAK

4.1. Donosi se Nacrt Odluke o usvajanju djelimične izmjene Regulacionog plana „Novi Šeher“, po zahtjevu Pervan Zorana.

AD 5. Prijedlog Odluke o pristupanju djelimičnoj izmjeni Regulacionog plana „Omerdino Polje“, po zahtjevu Bećirović Sulje

Dopredsjedavajuća Aida Bašić: Prelazimo na narednu tačku a to je Prijedlog Odluke o pristupanju djelimične izmjene Regulacionog plana Omerdino Polje po zahtjevu Bećirović Sulje. Nedžade, izvolite.

Nedžad Čatić: U ovom Prijedlogu Odluke podnosioc zahtjeva Bećirović Suljo traži da se izmjeni parcelacija u dijelu Regulacionog plana Omerdino Polje, na dijelu gdje faktički on koristi jedan dio zemljišta a po dosadašnjem Regulacionom planu to je bila predviđena građevinska parcela, koja nije nikad ni realizovana niti se realno može realizovati jer preko te parcele prelazi put i kanal i taj put je faktički i asfaltiran, tako da onaj dio zemljišta koji je da kažem slobodan, on traži da se tako opredijeli parcelacijom kroz izmjenu Regulacionog plana tako da bi on to mogao i otkupiti faktički.

Dopredsjedavajuća Aida Bašić: Hvala Nedžade, otvaram raspravu. Izvolite gospodo Hadžić.

Vijećnica Aida Hadžić: Ako sam dobro razumjela, on traži da se izvrši parcelizacija, kako se to već zove, da se onaj put izuzme jer to je naša primjedba i bila. U planu se vidi da put ulazi u tu parcelu.

Dopredsjedavajuća Aida Bašić: Hvala, znači postupak će se provoditi po redovnom ili po skraćenom postupku. Redovni postupak znači, hvala Vam. Pauza na zahtjev Kluba SDA. Nastavljamo s radom. Rasprava nije zaključena za tačku 5. da li se još neko javlja za diskusiju, nema zatvaram raspravu i stavljam tačku na glasanje ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović,

Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

5.1. Donosi se Odluka o pristupanju djelimičnoj izmjeni Regulacionog plana „Omerdino Polje“, po zahtjevu Bećirović Sulje

5.2. Postupak djelimične izmjene Regulacionog plana provodit će se kao redovni postupak.

AD 6. Prijedlog Odluke o pristupanju djelimičnoj izmjeni Regulacionog plana „Novi Šeher“, po zahtjevu Budimir Marinka

Dopredsjedavajuća Aida Bašić: Prelazimo na narednu tačku a to je Prijedlog Odluke o pristupanju djelimične izmjene Regulacionog plana Novi Šeher po zahtjevu Budimir Marinka. Nedžade, izvolite.

Nedžad Čatić: Prijedlog Odluke o pristupanju djelimičnoj izmjeni Regulacionog plan Novi Šeher odnosi se na dio zemljišta koji je u vlasništvu Budimir Marinka, gdje je po Regulacionom planu predviđena na cijeloj ovoj površini od 4 dunuma više objekata društvene izgrade. Zgrade su sa stanovima, on kroz ovo traži svojim zahtjevom da se to opredijeli individualno stambena izgradnja na cijeloj toj površini ili na dijelu te površine. To je tamo onaj dio kad se krene prema zgradi onoj školskoj.

Dopredsjedavajuća Aida Bašić: Je li redovan postupak isto, jeste hvala. Otvaram raspravu, zatvaram raspravu. Ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovaj Prijedlog Odluke.

ZAKLJUČAK

6.1. Donosi se Odluka o pristupanju djelimičnoj izmjeni Regulacionog plana „Novi Šeher“, po zahtjevu Budimir Marinka;

6.2. Postupak djelimične izmjene Regulacionog plana provodit će se kao redovni postupak.

AD 7. Prijedlog Odluke o prihvatanju poklona nekretnine-zemljišta (po ponudi Omersoftić Aziza)

Dopredsjedavajuća Aida Bašić: Prelazimo na narednu tačku a to je Prijedlog Odluke o prihvatanju poklona-nekretnine zemljišta po ponudi Omersoftić Aziza. Nedžade, izvolite.

Nedžad Čatić: Zahtjevom se Općinskom vijeću obratio Omersoftić Aziz, gdje u zahtjevu nudi Općini Maglaj dio svog zemljišta u njegovom vlasništvu na poklon. Ustvari tu se radi o dijelu onog betonskog puta u Jelovcu, koji ide uz onaj veliki uspon koji je nekada njegov otac dao mjesnoj zajednici da se napravi put i njemu je to sad ostalo u amanet da to on prenese na Općinu i kroz ovu Odluku se faktički to i radi. Mi smo izašli i snimili taj put na licu mjesta i da se taj dio zemljišta prenese na Općinu Maglaj bez naknade.

Dopredsjedavajuća Aida Bašić: Hvala Nedžade, otvaram raspravu, zatvaram raspravu i stavljam tačku na glasanje, ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da vijećnik Jasmin Begić nije prisutan u sali za vrijeme glasanja, te smo s 24 glasa za usvojili ovu Odluku.

ZAKLJUČAK

7.1. Donosi se Odluka o prihvatanju poklona nekretnine-zemljišta (po ponudi Omersoftić Aziza).

AD 8. Prijedlog Odluke o prodaji nekretnine neposrednom pogodbom Šahman (Hasib) Sadiku iz Maglaja, radi oblikovanja građevinske parcele

Dopredsjedavajuća Aida Bašić: Prelazimo na tačku 8. Prijedlog Odluke o prodaji nekretnine neposrednom pogodbom Šahman Sadiku iz Maglaja radi oblikovanja građevinske parcele. Nedžade, izvolite.

Nedžad Čatić: Šahman Sadik se obratio službi za oblikovanje parcele, to je onaj postojeći objekat tamo RVI objekti. Gdje on ima izgrađen objekat i u Regulacionom planu je predviđeno da ti objekti mogu imati dio zemljišta ispred i iza objekta, tako da smo mi izvršili uvid na licu mjesta i izvršili snimanje, uzeli izjavu od Općinskog pravobranioca i urbaniste, te pripremili Odluku kojom se oblikuje građevinska parcela u cijenu koju je opredjelila komisija.

Dopredsjedavajuća Aida Bašić: Hvala Nedžade, otvaram raspravu, obzirom da nema diskutiranata zatvaram raspravu i stavljam tačku na glasanje. Ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo usvojili ovu Odluku sa 24 glasa za, vijećnik Eldin Pehrat je van sale, za vrijeme glasanja.

ZAKLJUČAK

8.1. Donosi se Odluka o prodaji nekretnine neposrednom pogodbom Šahman (Hasib) Sadiku iz Maglaja, radi oblikovanja građevinske parcele

AD 9. Prijedlog Odluke o davanju saglasnosti JP Elektroprivreda BiH dd Sarajevo, Podružnica Elektrodistribucija Zenica za izvođenje radova na polaganju podzemnog 0,4 kV kabla preko dijela nekretnine upisane kao javno dobro

Dopredsjedavajuća Aida Bašić: Prelazimo na narednu tačku a to je Prijedlog Odluke o davanju JP Elektroprivreda BiH d.d. Sarajevo, podružnica Elektrodistribucija Zenica za izvođenje radova

na polaganju podzemnog 0,4 kabla preko dijela nekretnine upisane kao javno dobro. Nedžade, izvolite.

Nedžad Čatić: JP Elektroprivreda BiH d.d. Sarajevo je podnijela zahtjev za urbanističku suglasnost za izvođenje radova polaganja podzemnog kabla 0,4 kv preko dijela nekretnine upisane kao javno dobro. Isto tako taj podzemni kabel ide preko dijela privatnog vlasništva gdje su oni riješili te imovinske odnose ugovore sa fizičkim licima, međutim ovaj dio pošto se radi o javnom dobru tu se mora ići sa davanjem saglasnosti koje daje Općinsko vijeće. Radi se o dijelu zemljišta koje je sada gdje je benzinska pumpa Hifa i pored trotoara prema MUP-u nekih 50-tak metara.

Dopredsjedavajuća Aida Bašić: Hvala Nedžade, otvaram raspravu, nema diskutiranja zatvaram raspravu i stavljam ovu tačku na glasanje. Ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhara, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Jasmin Begić, Adis Abdurahmanović, Edin Salatović, Safet Jašić, Mirsad Bejić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

9.1. Donosi se Odluka o davanju saglasnosti JP Elektroprivreda BiH dd Sarajevo, Podružnica Elektrodistribucija Zenica za izvođenje radova na polaganju podzemnog 0,4 kV kabla preko dijela nekretnine upisane kao javno dobro

AD 10. a) Prijedlog Odluke o davanju saglasnosti za konačno imenovanje direktora Komunalnog javnog društva d.o.o. Maglaj

b) Prijedlog Zaključka o davanju ovlaštenja za potpisivanje Prijave za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog suda

Dopredsjedavajuća Aida Bašić: Prelazimo na tačku narednu tačku, pod a) i pod b). Prijedlog Odluke o davanju saglasnosti za konačno imenovanje direktora KJD d.o.o. Maglaj i pod b) Prijedlog zaključka o davanju ovlaštenja za potpisivanje prijave za registraciju u postupku promjene lica ovlaštenog za zastupanje KJD d.o.o. Maglaj kod nadležnog registarskog suda. Ja ću ispred rukovodstva obratiti vam se i pročitati dopis koji je na adresu Općinskog vijeća Maglaj pristigao ispred, odnosno predsjednik Nadzornog odbora je u potpisu, gospođica Gračić Dženana, te ona kaže: "Poštovani, ovim putem vas obavještavam da je kandidat na mjesto direktora Pepelar Azra, povukla podnesenu prijavu na Javni konkurs za izbor i imenovanje direktora KJD d.o.o. Maglaj, Javni konkurs broj: 01-826-4-1/23 od dana 12.06.2023. godine. S obzirom, da se Nadzorni odbor KJD d.o.o. Maglaj obratio Općinskom vijeću Maglaj aktom broj: 01-1078-2/23 od dana 19.07.2023. godine koje je od Općinskog vijeća zatražio prethodnu saglasnost za konačno imenovanje Pepelar Azre kao direktora KJD d.o.o. Maglaj, to vas obavještavamo o nastaloj situaciji". U prilogu ostavka broj: 01-1254/23 od dana 28.08.2023. godine. Ja ću vas zamoliti da obavještavam predsjednicu i člana Nadzornog odbora KJD d.o.o. Maglaj o neopozivoj ostavci koju podnosim na mjesti v.d.direktora KJD d.o.o. Maglaj i tražim da Nadzorni odbor kao nadležni organ donese Odluku o raskidanju ugovora o radu broj: 01-968-4-1/23 od 26.06.2023. godine. Razlog ostavke je lične prirode. Također povlačim svoju prijavu na Javni konkurs na izbor i imenovanje direktora KJD d.o.o. Maglaj predatu na protokol društva pod brojem: 01-991723 od 30.06.2023. godine. Zahvalna sam na prilici i povjerenju koje ste mi ukazali u vršenju ove odgovorene funkcije. Znači tačka je na Dnevnom redu a imamo ovaj dopis koji ste svi čuli. Ja

tražim pauzu prije i rasprave po ovoj tački. Nastavljamo dalje, obzirom da sam pročitala materijal koji je pristigao na adresu Općinskog vijeća a ovaj smo materijal imali i prilikom usvajanja samog Dnevnog reda i tačku nismo skinuli, ja ću otvoriti raspravu iz koje možda proizađe nešto što će pomoći pri rješavanju ovog pitanja. Otvaram raspravu, gospodin Suljaković izvolite.

Vijećnik Maid Suljaković: Obzirom da smo na Kolegij razmatrali ovu tačku u skladu sa aktom od predsjednika Nadzornog odbora gospođice Gračić Dženane, predlažem da danas ne razmatramo o ovoj tački. Također, predlažem da se Naadzorni odbor zaduži da nastavi sa provođenjem procedure za izbor direktora u skladu sa zakonskim rokovima. Pored toga iskoristio bih priliku obzirom da smo na Kolegiju upoznati i o novom aktu u koje rukovodstvo odnosno Nadzorni odbor Komunalnog preduzeća traži dodatnu pomoć, podsjećam ih na zaključak koji smo donijeli na predzadnjoj sjednici na kojoj se zadužuju da pripreme dokumentaciju, odnosno analizu problema poslovanja Komunalnog javnog preduzeća i da se pripreme za tematsku sjednicu koja je predviđena do kraja septembra. Hvala.

Dopredsjedavajuća Aida Bašić: Hvala Maide, da li se još neko javlja za diskusiju, gospodin Firuz izvolite.

Vijećnik Firuz Galijašević (ispravka krivog navoda): Moram ispraviti Komunalno javno društvo a ne Komunalno javno preduzeće.

Dopredsjedavajuća Aida Bašić: Hvala, uvažavamo. Ima li jos diskutantata. Zatvaram raspravu, obzirom da nema smisla da glasmao jer nemamo o čemu ali imamo prijedlog koji je iznio gospodin Suljaković, pa bih ja stavila njegov prijedlog na glasanje. Odnosno prijedlog zaključka, ko je za ?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Eldin Pehrat, Edin Salatović, Safet Jašić, Mirsad Bejić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Pero Mamić (HDZ BH).

Uzdržanih: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik).

Konstatujem da je prijedlog gospodina Suljakovića dobio potrebnu većinu.

ZAKLJUČAK

10.1. Općinsko vijeće Maglaj neće razmatrati Prijedlog Odluke o davanju saglasnosti za konačno imenovanje direktora Komunalnog javnog društva d.o.o. Maglaj i Prijedlog Zaključka o davanju ovlaštenja za potpisivanje Prijave za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog suda, zbog Dopisa Nadzornog odbora KJD d.o.o. Maglaj, broj: 01-1254-1-2-1/23 od 04.09.2023. godine, kojim se obavještava Općinsko vijeće Maglaj da je Azra Pepelar, kandidat za mjesto direktora KJD d.o.o. Maglaj povukla podnesenu prijavu na Javni konkurs za izbor i imenovanje direktora KJD d.o.o. Maglaj broj: 01-826-4-1/23 od 12.06.2023. godine;

10.2. Zadužuje se Nadzorni odbor KJD d.o.o. Maglaj da nastavi sa provođenjem procedure za izbor direktora u skladu sa zakonskim rokovima.

AD 11. Prijedlog Odluke o dodjeli javnih priznanja općine Maglaj za 2023. godinu

Dopredsjedavajuća Aida Bašić: Prelazimo na narednu tačku, Prijedlog Odluke o dodjeli javnih priznanja općine Maglaj za 2023. godinu. Uvodničar bi trebala biti predsjednica komisije, ali ja je stvarno ne vidim ovdje, koja je uredno pozvana. Tako da uvodničara nemamo, otvaram raspravu, zatvaram raspravu i stavljam na glasanje Prijedlog Odluke o dodjeli javnih priznanja općine Maglaj za 2023. godinu, ko je za?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF),

Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da je jednoglasno usvojen ovaj Prijedlog Odluke.

ZAKLJUČAK

11.1. Donosi se Odluka o dodjeli javnih priznanja općine Maglaj za 2023. godinu.

AD 12. a) Prijedlog Odluke o izmjenama i dopunama Odluke o organizovanju/organiziranju općinskih službi za upravu Općine Maglaj

b) Davanje saglasnosti na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj

Dopredsjedavajuća Aida Bašić: Prelazimo na narednu tačku, a) Prijedlog Odluke o izmjenama i dopunama Odluke o organizovanju/organiziranju općinskih službi za upravu Općine Maglaj i pod b) Davanje saglasnosti na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj. Gospođo Umo, da li ste Vi uvodničar po ovom pitanju. Ako možete i pod a) i pod b).

Uma Isić: Sve vas selamim i pozdravljam. Što se tiče tačke, ako ste saglasni, ja bih samo vrlo kratko i za a) i b). Kada je u pitanju Odluka o organizovanju to je Odluka koja je ponuđena Općinskom vijeću u prethodnom periodu i odnosi se na usaglašavanje sa Pravilnikom o sistematizaciji iz decembra 2022. godine. Djelatnost je službi, nažalost, od 2005. godine, ovdje ste dobili sve i temeljnu Odluku i izmjene koje su bile, to nažalost nije usaglašavano svo ovo vrijeme i zaista je krajnje vrijeme da se ova Odluka ponudi Općinskom vijeću na odlučivanje. Što se tiče dilema koje sam ja imala u ovom dijelu, dok smo imali pauze bilo je pitanje vezano za Općinsko pravobranilaštvo. Općinsko pravobranilaštvo nije stručna upravna služba, to je zaseban, samostalni organ koji osniva Općinsko vijeće, donosi Odluku o njegovom osnivanju i također Općinsko pravobranilaštvo ima svoj Pravilnik o sistematizaciji. Zaista mu nije mjesto kao samostalnom organu da stoji u Odluci o organiziranju općinskih službi, evo i pravobraniteljica je tu ako ima nešto da doda, obzirom da smo imali pitanja vijećnika. Što se tiče tačke b), ona se odnosi na Pravilnik o sistematizaciji, Pravilnik o izmjeni pravilnika o sistematizaciji, vidjeli ste na što se ove izmjene i dopune odnose. Dakle, Pravilnik o sistematizaciji, rukovodilac organa uprave, odnosno Općinski načelnik donosi. Ono što je bila obaveza u skladu sa Kolektivnim ugovorom i članom 43, a to je da Sindikat da svoje mišljenje. Mi smo dobili, evo može se i podijeliti dakle mišljenje i Sindikata u kojem stoji vrlo kratko: "Na osnovu člana 43. Granskog kolektivnog ugovora, nakon dostave Prijedloga Pravilnika o izmjenama i dopunama, Sindikalni odbor sindikalne organizacije organa uprave Maglaj razmotrio je prijedlog Pravilnika o izmjenama i dopuni Pravilnika o unutrašnjoj organizaciji broj koji je naveden, te nemamo primjedbi na isti". Kolega Nedžad Čatić je predsjednik Sindikalne organizacije ali evo on je izašao. Evo to je ono što ja imam da kažem.

Dopredsjedavajuća Aida Bašić: Hvala Umo, otvaram raspravu. Prije rasprave pauza na zahtjev Kluba SDA. Nastavljamo dalje, otvaram raspravu, gospodin Begić izvolite.

Vijećnik Jasmin Begić: Ja mislim da za ovu tačku nemamo dovoljno ulaznih informacija i ne znam da li je za ovu tačku potrebno mišljenje Statutarne komisije a također bi za donošenje konačne Odluke o našem glasanju pozvao bih i pravobranioca da nam kaže da li ima on dodatnih informacija vezanih za ovo. Na koje se tačno službe sve ovo odnosi.

Dopredsjedavajuća Aida Bašić: Hvala Begiću, da li ima još diskutatana vijećnika, nema. Gospođo Azra, izvolite.

Azra Čakrama: Sve vas prisutne pozdravljam i selamim. U skladu sa članom 124. tačka 1. Predlagač je dao svoje dopunsko obrazloženje za ovu Odluku. Jasno je da je suglasno propisima i članom 50. Statuta Općine Maglaj, Općinsko pravobranilaštvo zaseban organ, samostalna jedinica i kao takva djeluje. Jasno je da se mi finansiramo kao i druge službe iz Budžeta Općine Maglaj. Isto tako mogu kazati da Pravilnik o unutrašnjoj organizaciji Općinskog pravobranilaštva donosi Općinsko pravobranilaštvo uz prethodno pribavljenu saglasnost Općinskog načelnika i kao takvu vama i predlaže. Ja jesam zajedno sa Sindikatom razmatrala drugu Odluku, odnosno Odluku koja je ovdje definirana pod tačkom b). Prvu nismo razmatrali tako da s obzirom na prethodne tačke koje ste večeras imali. Puno smo radili na terenu vezano za sve usvojene tačke ispred Službe za urbanizam. Nisam ovome posvećivala pažnju, konačno mišljenje zaista vam sad ovog trenutka ne mogu dati. Ako ima neki dopunskih informacija od strane predlagača, Službe Općinskog načelnika i Općinskog vijeća evo neka kaže zaista nisam u ovom trenutku u potpunosti spremna da dam odgovor koji ne bi bio nepromišljen i koji ne bi bio suglasan propisima koji uređuju datu odlast jer mi imamo svoj zakon koji je lex specialis i koji uređuje naš status i sve ostalo potrebno za navedeno.

Dopredsjedavajuća Aida Bašić: Hvala Azra, gospodin Begić izvolite.

Vijećnik Jasmin Begić: Svakako da prihvatamo to obrazloženje i shodno tome predlažem da se ova tačka vrati na doradu, da bi sljedeće sjednice mi imali u potpunosti mišljenje i pravobranilaštva i svih komisija. Imam simulaciju ovdje od nekih vijećnika da možda nije zadužena Statutarna komisija, da je zadužena neka vijećnička komisija. Bilo koja komisija da je zadužena sa pravobranilaštvom da nam donese kvalitetan materijal za ovu Odluku da bi sljedeće sjednice mogli je i mi usvojiti. Moj je prijedlog da se ova tačka vrati na doradu.

Dopredsjedavajuća Aida Bašić: Jel se to odnosi i na a) i na b)?

Vijećnik Jasmin Begić: Da i na a) i na b).

Dopredsjedavajuća Aida Bašić: Hvala lijepo. Da li ima još diskutacija? Načelnice izvolite.

Općinski načelnik Mirsad Mahmutagić: Dakle, ovo je nešto što nije u nadležnosti nikakve komisije, nego je u nadležnosti Načelnika. Znači da su dugo godina načelnici donosili sistematizacije, promijenila se praksa u posljednje vrijeme. Sindikat daje svoju saglasnost, dakle ovdje imate saglasnost Sindikata, imate prijedlog vrlo malih korekcija da unaprijedimo rad općinske administracije, ako vi nećete da unaprijedite rad općinske administracije nemojte glasajte protiv, nastaviti ćemo raditi i funkcionisati. Neće to biti problem ali ako želite malo pomoći Općinskoj administraciji onda to podržite. Nema pravobranilaštva ništa s ovim, kakav pravobranilaštvo. Dakle isključiva nadležnost Općinskog načelnika sa saradnicima, pripremio, Sindikat dao saglasnost na vama je da date saglasnost. Ako date saglasnost hvala vam, ako ne mi nastavljamo kako je bilo danas, tako će biti sutra, ništa katastrofalno. Hvala.

Dopredsjedavajuća Aida Bašić: Hvala Vam, da li se još neko javlja za riječ. Gospodine Vehabović, izvolite.

Vijećnik Elvir Vehabović: Još jednom vas pozdravljam. Nakon 8 godina nerada, poći će od sutra raditi. Ispade da su oni krivi za sve, sistematizacija kriva za sve. Mi imamo informaciju da su pojedine službe ostale bez pojedinih kadrova, da nemaju u svojim službama određeni kadar koji moraju imati i tražimo da se ako se već radi sistematizacija da se uradi u svim službama radi tog boljeg rada.

Dopredsjedavajuća Aida Bašić: Hvala gospodin Vehabović.

Općinski načelnik Mirsad Mahmutagić (replika): Mada nemam namjere replicirati, evo neću više nikome, ne zaslužuje ni ovaj vijećnik da mu repliciram. Jedan je organ uprave, sistematizacija za cijeli organ uprave. Unutar organa uprave postoje službe, niko ovdje nije rekao da se nije moglo raditi. Naprotiv ja sam maloprije rekao, ako hoćete da još nešto malo unaprijedimo date saglasnost, ako nećete da unaprijedimo, nastavljamo dalje kako smo radili danas, tako ćemo i sutra. Ništa drugo.

Dopredsjedavajuća Aida Bašić: Hvala Vam. Da li se javlja još neko za diskusiju. Ukoliko nema zatvaram raspravu i stavljam prijedlog gospodina Begića na glasanje. Ko je za?

Glasalo za: Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Edin Salatović, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH).

Uzdržanih: Nema.

Konstatujem da je prijedlog gospodina Begića dobio potrebnu većinu, te da se vraća na doradu i bit će ponovo predmet razmatranja.

ZAKLJUČAK

12.1. Prijedlog Odluke o izmjenama i dopunama Odluke o organizovanju/organiziranju općinskih službi za upravu Općine Maglaj i Prijedlog Odluke o davanju saglasnosti na Pravilnik o izmjenama i dopunama Pravilnika o unutrašnjoj organizaciji službi za upravu Općine Maglaj vraćaju se na doradu.

AD 13. Periodični finansijski izvještaj Budžeta/Proračuna Općine Maglaj za period 01.01.-30.06.2023. godine

Dopredsjedavajuća Aida Bašić: Prelazimo na narednu tačku, Periodični finansijski izvještaj Budžeta/Proračuna Općine Maglaj za period 01.01.-30.06.2023. godine. Uvodničar, gospodin Nermína, Senada. Treba uvodničar, izvolite.

Senada Alibajraktarević: Pozdravljam sve prisutne, evo kao što ste vidjeli u materijalima pred nama je Periodični finansijski izvještaj za period 01.01.-30.06.2023. godine. On se sastoji od seta od 9 finansijskih izvještaja, u materijalu su oni svi detaljno obrazloženi. Ja ću samo ukratko reći da su za ovaj period izvještavanja prihodi i primitci ostvareni u iznosu od 4.778.672,00 KM i u odnosu na prethodni period odnosno period 01.01.-30.06.2022. godine veći su za 218.226,00 KM. Razhodi i izdaci za period 01.01.-30.06.2023. godine izvršeni su u iznosu od 4.012.380,00 KM. Zatim ono što bih rekla još u uvodnom izlaganju tekući transferi po ovom obrascu za ovaj period ostvareni su u iznosu od 1.094.454,00 KM a sastoji se od tekućih transfera drugim nivoima vlasti, 13.390,00 KM, tekući transfera pojedincima 398.099,00 KM, tekući transferi neprofitnim organizacijama 622.269,00 KM, subvencije javnim preduzećima 24.196,00 KM, tekući transferi u inostranstvo 36.500,00 KM. Kad aje riječ o kapitalnom transferima, oni su ostvareni u iznosu od 904.518,00 KM ili procentulano 80 % planiranih sredstava. Što se tiče Registra doznaka iz tekuće budžetske rezerve ona za ovaj period izvještavanja nije trošena. Zatim, kada je riječ o obrascu 9. Registar neizmirenih obaveza, ukupno neizmirenih obaveza i razgraničenje za ovaj period iznose 2.799.177,00 KM i one su u odnosu na ukupne obaveze na početni period odnosno 31.12.2022. godine smanjene za 111.438,00 KM. Kada posmatramo samo ovaj period izvještavanja, odnosno prihode i razhode, ostvaren je tekući suficit u iznosu od 972.382,00 KM, a ukupan suficit od 766.291,00 KM. Kada je riječ o obrascu broj 8. stanje novčanih sredstava na dan 30.06.2023. godine iznosi 4.870.149,00 KM a stanje kratkoročnih potraživanja na dan 30.06.2023. godine iznosi 989.665,00 KM i u odnosu na 31.12.2022. godine veća su za 304.863,00 KM. U materijalima ste dobili sve tabele analitičke koje šaljem prema Kantonalnom ministarstvu finansija. Ukoliko budete imali nešto od pitanja unutar te analitike stojim na raspolaganju.

Dopredsjedavajuća Aida Bašić: Senada, samo jedno pitanje, da li se ovaj Izvještaj usvaja ili?

Senada Alibajraktarević: Mi smo dobili odgovor od Federalnog ministarstva finansija u aprilu 2023. godine, gdje su odgovorili da on se ne usvaja nego se daje Općinskom vijeću kao informacija koje primaju k znanju.

Dopredsjedavajuća Aida Bašić: Bez obzira na navedeno, otvaram raspravu po ovom pitanju, zatvaram raspravu i ovaj Izvještaj primamo k znanju.

ZAKLJUČAK

13.1. Prima se k znanju Periodični finansijski izvještaj Budžeta/Proračuna Općine Maglaj za period 01.01.-30.06.2023. godine

AD 14. Izvještaj o utrošku tekuće budžetske rezerve Budžeta/Proračuna Općine Maglaj za period 01.01.-30.06.2023. godine

Dopredsjedavajuća Aida Bašić: Prelazimo na tačku 14. Izvještaj o utrošku tekuće budžetske rezerve Budžeta/Proračuna Općine Maglaj za period 01.01.-30.06.2023. godine. Da li nam je potreban uvodničar, nije. Otvaram raspravu, ima li diskutanata? Nema, zatvaram raspravu i izvještaj stavljam na glasanje, ko je za ?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Duhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Edin Salatović, Safet Jašić, Mirsad Bejić, Eldis Kusur, Edin Osmić (SDA), Mirza Mešić (samostalni vijećnik).

ZAKLJUČAK

14.1. Usvaja se Izvještaj o utrošku tekuće budžetske rezerve za period 01.01.-30.06.2023. godine

AD 15. Informacija o stanju obrta, malog i srednjeg poduzetništva na općini Maglaj

Dopredsjedavajuća Aida Bašić: Prelazimo na tačku 15. Informacija o stanju obrta, malog i srednjeg poduzetništva na općini Maglaj, da li je potreban uvodničar. Otvaram raspravu, zatvaram raspravu te Informaciju od stanju obrta primamo k znanju. Izvolite Načelnice.

Općinski načelnik Mirsad Mahmutagić: Želim da prozovem svih 25 vijećnika ovdje u sali, ovo je informacija vrlo bitna. Zar stvarno nikog ne interesuje ova informacija. Svaka čast baš smo odgovorni. Hvala.

Vijećnik Jasmin Begić (replika): Nama informacije ne trebaju nikakve. Mi vidimo sve, Maglaj propada, informacije nam ne trebaju. Treba da vidimo i zbog toga mi iz SDA smo rekli da po ovoj tački nećemo. Šuplja nas priča ne interesuje, interesuju nas konkretni potezi za oživljavanje privrede u Maglaju.

Dopredsjedavajuća Aida Bašić: Hvala, da li se još neko javlja za diskusiju, tačka 15. Zatvaram raspravu i informaciju primamo k znanju.

ZAKLJUČAK

15.1. Prima se k znanju Informacija o stanju obrta, malog i srednjeg poduzetništva na općini Maglaj

AD 16. Informacija o stanju u oblasti poljoprivrede na području općine Maglaj

Dopredsjedavajuća Aida Bašić: Tačka 16. Informacija o stanju u oblasti poljoprivrede na području općine Maglaj. Da li je potreban uvodničar. Nemojte dobacivati, molim vas da li vam je potreban uvodničar? Otvaram raspravu. Gospodine Maide, izvolite.

Vijećnik Maid Suljaković: Iskoristio bih priliku da se zahvalim službi na dostavljenoj informaciji, navedenu tačku sam detaljno razmatrao i čitao i primjetio da se ista odnosi u najvećem dijelu na informacije koje se tiču visine poticaja koji dajemo za određene poljoprivredne kulture. Smatram da se informacija i za narednu godinu treba dopuniti sa aktuelnim stanjem poljoprivrede na području općine Maglaj sa infrastrukturnim pristupima, putevima naših poljoprivrednih proizvođača, također o tehnološkoj opremljenosti istih i da na taj način, na osnovu te detaljne informacije možemo kvalitetnije kreirati program poticaja za poljoprivredu za narednu godinu. Hvala.

Dopredsjedavajuća Aida Bašić: Hvala Maide. Da li ima još diskutantata, gospodin Bešić izvolite.
Vijećnik Mustafa Bešić: Evo i ja vas selamim i pozdravljam pošto izlazim prvi put a što se tiče informacije, čovjek sam jedan sam od ljudi koji se bave poljoprivredom na općini Maglaj. Iz mog ugla i vašeg vidite situaciju kakva je nije samo na općini Maglaj nego u cijeloj državi da su cijene nenormalno velike. To je sve uzrok neproizvodnje, znači svake godine imamo manjak ljudi koji se bave jednom od poljoprivrednih grana. Ja ću vam samo napomenuti evo iz malinarstva mi smo imali, ja sam unazad imao jedno 7-8 duluma maline gdje su me jednostavno prisilile da prekinem proizvodnju. Mislim da je neko i od vas isto morao. Zbog čega, zbog toga što nije osiguran kvalitetan otkup. Mi imamo svake godine evo nije samo za maline problem, imamo variranje cijena. Prošle godine smo imali negdje oko 5,5 KM, imamo je sad 2,00 KM a pretprošle godine 1,5 KM. Vidite proizvodnja krompira, kukurza, pšenice. Sve se svelo na minimum. Trebamo ozbiljno shvatiti situaciju, svi smo nekako kao kupit ćemo radimo ali nećemo imati šta kupiti i gdje kupiti. Džaba nam pare i plata ako nemamo proizvodnje, moramo raditi na tome da poboljšamo uvjete na općini Maglaj. Da dajemo veće poticaje, da stimulišemo ljude koji se hoće baviti poljoprivredom. Uzmite stočne fondove, vjerujte u mojoj Domisluci, evo od 50 kuća možda ima jedna kravu, imamo 3-4 proizvođača koji imaju junad ili stoku. Znači, svelo se da nemaš uzet gdje kilu mlijeka, kajmaka ili sira. Ja nosim iz grada odavdje i došlo je vrijeme, vakat je došao, meni je čovjek rekao Beša doći će vakat gdje će seljaci iz grada nositi na selo kajmak i sir. Znači, vjerujte prije je bilo sramota pšeničnu pogaču jesti a sad je to nagrada da te neko počasti time. Moramo se pozabaviti stvarno otišlo u krajnost. Poljoprivreda mora naći način i stati na noge. Što se tiče ovih informacija ja podržavam i čovjek sam kojem je stalo da poljoprivredu na općini Maglaj ali na ovaj način teško i zabrinjavajuće. Moramo se svi potruditi da nađemo neka rješenja bolja da se pomogne. Bit ćemo gladni, imat ćemo para ali nećemo imati šta kupiti.

Dopredsjedavajuća Aida Bašić: Hvala gospodine Bešić. Gospođo Hadžić, izvolite.

Vijećnica Aida Hadžić: Ja se slažem sa kolegama i Maidom i Mustafom, mislim da je zaista ova tema itekako bitna, da nije nimalo smiješna, da zaista moramo raditi nešto na razvoju sela i poljoprivrede jer bez razvijenih sela nema ni razvijene opštine. Ako neko misli da je ovo bespotrebno da ne treba o ovome pričati i raspravljati, ja zaista mislim da nije u pravu nego da moramo nešto kao Općinsko vijeće uraditi po tom pitanju. Možda ćemo biti dosadni s tim nekim tematskim sjednicama, moje je mišljenje da o ovome treba zaista raspravljati malo ozbiljnije i opširnije. Hvala.

Dopredsjedavajuća Aida Bašić: Hvala gospođo Hadžić. Gospodine Kukur izvolite.

Vijećnik Eldiš Kukur: Sve vas selamim i pozdravljam, eto prvi put izlazim pri kraju jedna opaska ovako, zaista je poljoprivreda u teškoj situaciji ali i još i u teškoj situaciji služba koja se bavi time, vi znate da je samo jedna žena koja se bavi ovim pitanjem. Imamo više vrsta poljoprivrednih djelatnosti, nije to samo kao što je Bešić rekao malina, imamo mi i proizvodnju mlijeka itd. Zaista jedna žena opslužuje sve te poljoprivrednike, mislim da je krajnje vrijeme da se administracija pozabavi i da se ta služba proširi time što će se uposliti agronom, to jeste inženjer poljoprivrede na tom mjestu. Mi već duži period kako je Dragomir Dunder otišao iz Općine nemamo adekvatno rješenje i nemamo osobu koja je stručna a ova osoba koja radi i druge osobe koje joj pomažu u tome. Znam da joj druge kolege unutar službe pomažu joj na svakakve načine, treba da se pospješni rad ove službe i da jednostavno se pomogne u ovoj oblasti na opsluživanju građana koji se bave poljoprivrednom djelatnosti. Jučer sam bio i žena zaista je pretrpana poslom. Uz pomoć drugih kolega i kolegica koji maksimalno ulažu napore da joj pomognu tu, evo i Ferhat Bradarić koji joj

pomaže maksimalno i druge kolege njene ali zaista treba razmisliti i treba pomoći toj ženi pored toga što se daje u poljoprivredi, treba i građanima pružiti šansu i opsluživati ih i pomagati im i asistirati u apliciranju na neke javne pozive za koje obični građani ne znaju da postoje.

Dopredsjedavajuća Aida Bašić: Hvala gospodine Kusur, da li ima još diskutantata, ako nema zatvaram raspravu i konstatujem da smo informaciju primili k znanju.

ZAKLJUČAK

16.1. Prima se k znanju Informacija o stanju u oblasti poljoprivrede na području općine Maglaj

AD 17. Informacija o toku postupka imenovanju jednog člana Općinske izborne komisije Maglaj.

Dopredsjedavajuća Aida Bašić: Prelazimo na posljednu tačku. Pauza na zahtjev Kluba SDA. Nastavljamo s radom. Otvaram raspravu, uvodničara da li imamo nemamo. Obaviješten je nije došao. Da li se neko javlja za diskusiju, gospoda Hadžić, izvolite.

Vijećnica Aida Hadžić: Samo kratko, svi smo umorni. Smatramo da je ovo izuzetno neodgovorno i sporo, četiri mjeseca traje procedura pa se pitamo da li to ne odgovaraju kandidati ili neki kandidat i predložimo zaključak da se za narednu sjednicu pripremi materijal kako bi se Općinsko vijeće odredilo i da se konačno imenuje član Općinske izborne komisije. Hvala gospodu Hadžić, da li se još neko javlja za diskusiju? Zatvaram raspravu i obzirom da je informacija, ne glasamo o tome nego je primamo k znanju ali bih ja svakako ovaj prijedlog zaključka koji je gospoda Hadžić iznijela da stavim na glasanje, ko je za ovakav prijedlog?

Glasalo za: Svjetlana Zamboni, Elvir Arnautović, Arif Mujkanović, Almin Smailović, Anida Šahman, Firuz Galijašević, Jasmin Đuhera, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (NES), Aida Hadžić (DF).

Glasalo protiv: Nema.

Uzdržanih: Elvir Vehabović (samostalni vijećnik), Maid Suljaković, Jasmin Begić, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

ZAKLJUČAK

17.1. Prima se k znanju Informacija o toku postupka imenovanju jednog člana Općinske izborne komisije Maglaj.

Dopredsjedavajuća Aida Bašić: Prelazimo na vijećnička inicijativa i pitanje., Gospodin Šehić, pa Bešić, pa Firuz.

Vijećnik Senad Šehić: Pokrećem inicijativu za besplatnu pravnu pomoć/konsultacije za građane općine Maglaj. Vijećnička inicijativa se odnosi na obezbjeđivanje dodatne besplatne pravne pomoći za određene kategorije stanovnika općine Maglaj. Aktivnost bi mogla biti konsultativnog karaktera i da se shodno obimu posla i obaveza Općinskog pravobranioca uvrsti „rad sa strankama“ i na taj način pruži se mogućnost našim sugrađanima da potraže savjete sa daljnje postupanje. Dakle, posebno se ovo odnosi na pravnu pomoć određenim kategorijama stanovništva zbog teške materijalne situacije u kojoj se većina ovih građana nalazi i zbog potrebe da budu u mogućnosti ostvariti svoja ljudska i druga prava. Kategorije stanovništva kojim je najneophodnija ovakva vrsta pomoći su nezaposleni građani, građani sa minimalnim primanjima, korisnici novčane pomoći, žrtve porodičnog nasilja, boračke kategorije i invalidi rada, penzioneri i druge marginalizirane grupe.

Socijalno ugrožene kategorije bez ikakvih primanja su Zakonom o besplatnoj pravnoj pomoći svakako opslužene od strane Zavoda za besplatnu pravnu pomoć Zeničko-dobojskog kantona, koji dolaze u 15 dana po 2 sata što je nedostavno za potrebe i broj građana općine Maglaj, koji nisu

obuhvaćeni ovim zakonom, a evidentno su u teškoj socio-ekonomskoj situaciji i potrebna im je pravna pomoć u kontinuitetu.


Vijećnik Mustafa Bešić: Moja vijećnička inicijativa dolazi iz MZ Domislica, odnosno naseljenog mjesta Domislica. Kontaktirao me Džematski odbor Domislica može li Načelnik pomoći vezano za mezaristan novi gore. Znači iznad Begine kuće, to jeste kod Hadžirine kuće, da se sanira put. Znači, potrebno je 2 kamiona pijeska i grtalica da to poravna i zategne. Mi smo unazad jedno 2-3 godine već uradili jedan dobar dio puta. Jednu dionicu smo asfaltirali, ostalo nam je ovo gore. Imamo podršku od ljudi i Džematskog odbora i imamo problema kad je kiša, voda snese put. Kad obavljamo dženaze teško nam iznijeti mejita. U tom smislu nije velika investicija, treba nam jedno 2 kamiona pjeska i zgrtalica koja će to zategnuti.

Vijećnik Firuz Galijašević: Godinama zgrada u kojoj se nalazi Biro rada Maglaj (Aleja ljljlana 14) ima velikih problema sa odvodom kanalizacije. Nakon svakog pljuska otpadne vode i fekalije iz kanalizacije se vraćaju iz sistema i uništavaju kako podrumске prostorije tako i zdravlje svih stanara i zaposlenih koji žive i rade u pomenutoj zgradi. Prosto je nemoguće ući u podrumске prostorije gdje se već nalazi sloj nagomilanih fekalija. Pod hitno naći rješenje sanacije kanalizacije u poslovno-stambenoj zgradi u ulici Aleja ljljlana 14, sanirati odvod na parking u iza pomenute zgrade gdje se nakon pljuska stvori jezero zbog sporog odliva kišnice koje dodatno utiče na vraćanje kanalizacije u podrumске prostorije.

Dopredsjedavajuća Aida Bašić: Zaključujem sjednicu u 20,27 sati.

Zapisničar

Elza Gračić



DOPREDSJEDAVALA

Aida Bašić

